



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Agenda, Sev Ritvale Osnabrvdense**

**Franz Wilhelm <Osnabrück, Bischof>**

**Coloniæ Agrippinæ**

Ordo Baptismi adultorum.

**urn:nbn:de:hbz:466:1-41233**

## Ordo Baptismi Adultorum.



**I**N primis Sacerdos, paratis his quæ supra de obser-  
vandis in administratione Sacramenti Baptismi par-  
vulorum dicuntur, indutus superpelliceo & stola,  
vel etiam pluviali violacei coloris, cum suis Clericis  
accedit ad gradus altaris, & genibus flexis, pi-  
amente ad Deum preces effundit, ut tantum Sacramentum digne  
valeat ministrare; & ad implorandum divinum auxilium, surgens,  
se signat, & si temporis ratio ferat, dicit:

Deus in adiutorium meum intende. *Resp.* Do-  
mine ad adjuvandum me festina. Gloria Pa-  
tri, &c. Sicut erat, &c.

Postea incipiat, prosequentibus Clericis, Antiphon.  
Effundam super vos aquam mundam, & mun-  
dabimini ab omnibus inquinamentis vestris,  
dicit Dominus.

*Psalmus 8.*

**D**omine Dominus noster: quam admira-  
bile est nomen tuum in universa terra!

Quoniam elevata est magnificentia tua:  
super cælos.

Ex ore infantium & lactentium perfecisti  
laudem, propter inimicos tuos: ut destruas  
inimicum & ultorem.

Quoniam videbo cælos tuos, opera digi-  
torum tuorum: lunam & stellas, quæ tu fun-  
dasti.

Quid

Quid est homo, quod memor es ejus? aut filius hominis, quoniam visitas eum?

Minuisti eum paulo minus ab Angelis: gloria & honore coronasti eum, & constituisti eum super opera manuum tuarum.

Omnia subjecisti sub pedibus ejus: oves & boves universas, insuper & pecora campi.

Volucres cæli, & pisces maris: qui perambulant semitas maris.

Domine Dominus noster: quam admirabile est nomen tuum in universa terra!

Gloria Patri. Sicut erat.

*Psalmus 28.*

**A**fferte Domino filii Dei: afferte Domino filios arietum.

Afferte Domino gloriam & honorem, afferte Domino gloriam nomini ejus: adorete Dominum in atrio sancto ejus.

Vox Domini super aquas, Deus majestatis intonuit: Dominus super aquas multas.

Vox Domini in virtute: vox Domini in magnificentia.

Vox Domini confringentis cedros: & confringet Dominus cedros Libani.

Et comminuet eas tamquam vitulum Libani: & dilectus quemadmodum filius unicornium.

Vox

Vox Domini intercidentis flammam ignis,  
vox Domini concutientis defertum: & com-  
movebit Dominus defertum Cades.

Vox Domini præparantis cervos, & reve-  
labit condensa: & in templo ejus omnes di-  
cent gloriam.

Dominus diluvium inhabitare facit: & fe-  
debit Dominus Rex in æternum.

Dominus virtutem populo fuo dabit: Do-  
minus benedicet populo fuo in pace.

Gloria Patri. Sicut erat.

*Psalmus 41.*

**Q**uemadmodum defiderat cervus ad fon-  
tes aquarum: ita defiderat anima mea  
ad te Deus.

Sitivit anima mea ad Deum fortem vivum:  
quando veniam, & apparebo ante faciem  
Dei?

Fuerunt mihi lacrymæ meæ panes die ac  
nocte: dum dicitur mihi quotidie, Vbi est  
Deus tuus?

Hæc recordatus sum, & effudi in me ani-  
mam meam: quoniam tranfibo in locum  
tabernaculi admirabilis ufque ad domum  
Dei.

In voce exultationis & confessionis: fonus  
epulantis.

E

Quare

Quare tristis es, anima mea : & quare conturbas me ?

Spera in Deo , quoniam adhuc confitebor illi : salutare vultus mei, & Deus meus.

Ad meipsum anima mea conturbata est : propterea memor ero tui de terra Iordanis , & Hermoniim à monte modico.

Abyssus abyssum invocat : in voce cataractarum tuarum.

Omnia excelsa tua, & fluctus tui: super me tranfierunt.

In die mandavit Dominus misericordiam suam : & nocte canticum ejus.

Apud me oratio Deo vitæ meæ : dicam Deo, Susceptor meus es.

Quare oblitus es mei ? & quare contristatus incedo, dum affligit me inimicus ?

Dum confringuntur ossa mea : exprobrauerunt mihi, qui tribulant me, inimici mei.

Dum dicunt mihi per singulos dies, Vbi est Deus tuus ? quare tristis es anima mea , & quare conturbas me ?

Spera in Deo , quoniam adhuc confitebor illi : salutare vultus mei, & Deus meus.

Gloria Patri. Sicut erat.

*Et repetitur Antiphona* , Effundam super vos aquam mundam , *Qua repetita, dicitur* : Kyrie

eleison,

eleison, Christe eleison. Kyrie eleison. Pater noster. *Vers.* Et ne nos inducas in tentationem. *Resp.* Sed libera nos à malo. *Vers.* Domine, exaudi orationem meam. *Resp.* Et clamor meus ad te veniat. *Vers.* Dominus vobiscum. *Resp.* Et cum spiritu tuo.

Oremus.

**O**Mnipotens sempiternè Deus, qui dedisti famulis tuis, in confessione veræ fidei, æternæ Trinitatis gloriam agnoscere, & in potentia Majestatis adorare unitatem: quæsumus, ut ejusdem fidei firmitate ab omnibus semper muniamur adversis.

*Oratio.*

**A**desto supplicationibus nostris, omnipotens Deus; &, quod humilitatis nostræ gerendum est ministerio, tuæ virtutis impleatur effectum.

*Oratio.*

**D**A, quæsumus Domine, electo nostro; ut, sanctis edoctus mysteriis, & renovetur fonte Baptismatis, & inter Ecclesiæ tuæ membra numeretur. Per Christum Dominum nostrum. *Resp.* Amen.

*Si plures fuerint baptizandi, hæc tertia Oratio dicatur in numero plurali.*

*Deinde Sacerdos procedit ad fores Ecclesiæ, & stat*

*in limine, catechizandus vero extra limen. Et, si sunt plures mares & feminae, illi ad dexteram Sacerdotis, haec vero ad sinistram statuuntur; & Sacerdos interrogat:*

*Quo nomine vocaris? Wie heisset dein Nam? Catechumenus respondet: N.*

*Sacerdos: N. Quid petis ab Ecclesia Dei? Was begerst du von der Kirchen Gottes? Resp. Fidem. Den Glauben.*

*Sacerdos: Fides quid tibi praestat? Was gibt dir der Glaube? Resp. Vitam aeternam. Das ewige Leben.*

*Sacerdos: Si vis habere vitam aeternam, serua mandata. Diliges Dominum Deum tuum ex toto corde tuo, & ex tota anima tua, & ex tota mente tua; & proximum tuum sicut teipsum. In his duobus mandatis tota lex pendet, & Prophetarum. Fides autem est, ut unum Deum in Trinitate & Trinitatem in unitate venereris, neque confundendo personas, neque substantiam separando. Alia est enim persona Patris, alia Filii, alia Spiritus sancti; sed horum trium una est substantia, & non nisi una Divinitas.*

*Et rursus interrogat: N. Abrenuntias Satanæ? N. Widersagst du dem Teuffel? Resp. Abrenuntio. Ich widersag.*

*Inter-*

*Interrog.* Et omnibus operibus ejus? Vnd allen seinen Wercken? *Resp.* Abrenuntio. Ich widersag.

*Interrog.* Et omnibus pompis ejus? Vnd al'er seiner Hoffart? *Resp.* Abrenuntio. Ich widersag.

*Deinde Sacerdos interrogat de Symbolo fidei, dicens:*

Credis in Deum Patrem omnipotentem, creatorem cæli & terræ?

Glaubst du in Gott Vatter Allmächtigen Schöpffer Himmels vnd der Erden? *Resp.* Credo. Ich glaub.

*Interrog.* Credis & in Iesum Christum, Filium ejus unicum, Dominum nostrum, natum, & passum?

Glaubst du auch in Iesum Christum / seinen einigen Sohn / vnsern Herrn / der geboren ist vnd gelitten hat?

*Resp.* Credo. Ich glaub.

*Interrog.* Credis & in Spiritum sanctum, sanctam Ecclesiam Catholicam, sanctorum communionem, remissionem peccatorum, carnis resurrectionem, & vitam æternam?

Glaubst du auch in den H. Geist / ein Heilige / allgemeine / Christlich-Catholische Kirchen / Gemeinschaft der Heiligen / Ablass der Sünden / Auferstehung des Fleisches / vnd ein ewiges Leben?

*Resp.* Credo. Ich glaub.

*Tunc Sacerdos exsufflat ter in faciem ejus, semel dicens:*



Exi ab eo (ea) spiritus immunde, & da locum Spiritui sancto Paraclito.

*Hic, in modum Crucis, halet in faciem ipsius; & dicat:*

N. Accipe Spiritum bonum per istam insufflationem, & Dei benedictionem ✝. Pax tibi. *Resp.* Et cum spiritu tuo.

*Deinde facit Crucem cum pollice, in ejus fronte, & in pectore, dicens:*

N. Accipe signum Crucis, tam in fronte ✝ quam in corde ✝: fume fidem caelestium praceptorum. Talis esto moribus, ut templum Dei jam esse possis: ingressusque (ingressaque) Ecclesiam Dei, evasisse te laqueos mortis, laetus (laeta) agnosce, (horresce idola, respue simulacra,) cole Deum Patrem omnipotentem, & Iesum Christum Filium ejus unicum, Dominum nostrum, qui venturus est judicare vivos & mortuos, & saeculum per ignem. *Resp.* Amen.

*Hic advertendum est, quod dicta verba (horresce idola, respue simulacra,) dicantur Catechumeno, qui venit de Gentilitatis errore, seu de Ethnicis & Idololatriis. Catechumeno vero Iudaeo, siue ex Hebraeis venienti, loco horum verborum dicatur, (horresce Iudaicam perfidiam, respue Hebraicam superstitionem.) Saraceno autem, vel Turca, aut*

*Persa,*

*Perſa, ſive alii ex Mahumetanis ad fidem venienti Catechumeno, loco eorundem verborum dicatur, (horrefce Mahumeticam perfidiam, reſpue pravam ſectam infidelitatis.)*

*At heretico, ad Catholicam Eccleſiam venienti, qui, ſi in ejus Baptiſmo debita forma ſervata non eſt, baptizari debet, dicatur, (horrefce hæreticam pravitatem, reſpue nefarias ſectas impiorum.) Vel exprimaturo proprio nomine ſecta, de qua Catechumenus venit.*

*Si plures ſunt Electi, omnia ſupradicta dicuntur ſigillatim ſuper ſingulos.*

Oremus.

**T**E deprecor, Domine ſancte, Pater omnipotens, æterne Deus, ut huic famulo tuo N. (famulæ tuæ N.) qui (quæ) in hujus ſæculi nocte vagatur incertus ac dubius, (incerta ac dubia) viam veritatis & agnitionis tuæ jubeas demonſtrari: quatenus, reſeratis oculis cordis ſui, te unum Deum, Patrem in Filio, & Filium in Patre cum Spiritu ſancto, recognoscat, atque hujus confeſſionis fructum & hic & in futuro ſæculo percipere mereatur. Per Chriſtum Dominum noſtrum. Reſp. Amen.

*Si plures fuerint, precedens Oratio dicatur in numero plurali, & in genere ſuo.*

Deinde

*Deinde signet illum signo Crucis cum pollice in fronte, dicens :*

Signo tibi frontem ✝, ut suscipias Crucem Domini.

*In auribus.* Signo tibi aures ✝, ut audias divina præcepta.

*In oculis.* Signo tibi oculos ✝, ut videas claritatem Dei.

*In naribus.* Signo tibi nares ✝, ut odorem suavitatis CHRISTI sentias.

*In ore.* Signo tibi os ✝, ut loquaris verba vite.

*In pectore.* Signo tibi pectus ✝, ut credas in Deum.

*In scapulis.* Signo tibi scapulas ✝, ut suscipias jugum servitutis ejus.

*In toto corpore, illud non tangens, manu producit signum Crucis, & dicit :*

Signo te totum, in nomine Patris ✝, & Filii ✝, & Spiritus sancti ✝, ut habeas vitam æternam, & vivas in sæcula sæculorum.

*Resp. Amen.*

*Si plures sint Electi, præcedentes Orationes & Exorcismi dicantur in numero plurali, & genere suo. Signationes autem fiant & illarum verba dicantur singula singulis.*

Oremus.

**P**Reces nostras, quæsumus Domine, clementer exaudi, & hunc electum tuum N.

(ele-

(electam tuam *N.*) Crucis Dominicæ, cuius impressione eum (eam) signamus, virtute custodi, ut, magnitudinis gloriæ tuæ rudimenta servans, per custodiam mandatorum tuorum ad regenerationis gloriam pervenire mereatur. Per Christum Dominum nostrum. *Resp.* Amen.

Oremus.

**D**Eus, qui humani generis ita es conditor, ut sis etiam reformator; propitiare populis adoptivis, & novo testamento sobolem novæ proles adscribe, ut filii promissionis, quod non potuerunt assequi per naturam, gaudeant se recepisse per gratiam. Per Christum Dominum nostrum. *Resp.* Amen.

*Tunc imponit manum super caput electi, & dicit:*

Oremus.

**O**Mnipotens sempiterne Deus, Pater Domini nostri Iesu Christi, respicere digneris super hunc famulum tuum *N.* quem (hanc famulam tuam *N.* quam) ad rudimenta fidei vocare dignatus es, omnem cæcitatem cordis ab eo (ea) expelle, disrumpe omnes laqueos satanæ, quibus fuerat colligatus: (colligata:) aperi ei, Domine, januam pietatis tuæ, ut, signo sapientiæ tuæ imbutus, (imbuta,) omnium cupiditatum foetoribus careat, & ad suavem

F

odo-

odorem præceptorum tuorum, lætus (læta) tibi in Ecclesia tua deserviat, & proficiat de die in diem, ut idoneus (idonea) efficiatur accedere ad gratiam Baptismi tui, percepta medicina. Per eundem Christum Dominum nostrum. *Resp.* Amen.

*Si plures sint, hac & præcedens Oratio, Preces nostras, dicantur in numero plurali.*

*Deinde Sacerdos benedicit sal.*

*Benedictio salis, dandi Catechumeno.*

*Exorcizo te, creatura salis, &c. ut in Ordine Baptismi parvulorum.*

*pag. 16.*

*Tunc pollice & indice accipit de ipso sale, & immittit in os Catechumeni, dicens: N. Accipe sal sapientiæ; propitiatio tibi fit in vitam æternam. Resp. Amen. Sacerdos: Pax tibi. Resp. Et cum spiritu tuo.*

Oremus.

**D**Eus patrum nostrorum, Deus universæ conditor veritatis, te supplices exoramus, ut hunc famulum tuum *N.* (hanc famulam tuam *N.*) respicere digneris propitius, & hoc primum pabulum salis gustantem, non diutius esurire permittas, quò minùs cibo expleatur cælesti; quatenus sit semper spiritu fervens, spe gaudens, tuo semper nomini serviens. Perduc eum (eam) Domine, quæsumus,

ad

ad novæ regenerationis lavacrum, ut, cum fidelibus tuis, promissionum tuarum æterna præmia consequi mereatur. Per Christum Dominum nostrum. *Resp.* Amen.

*Si plures sint, dicatur singulis: N. Accipe sal, &c. & præcedens Oratio, Deus patrum nostrorum, in numero plurali.*

*Quod si Catechumenus fuerit Gentilis, seu ex Idololatriis venerit ad fidem; benedicto sale, priusquam ejus medicinam gustet, Sacerdos addat sequentem Orationem, dicens:*

Oremus.

**D**omine sancte, Pater omnipotens, æterne Deus, qui es, qui eras, & qui permanes usque in finem; cujus origo nescitur, nec finis comprehendi potest: te supplices invocamus super hunc famulum tuum *N.* quem (hanc famulam tuam *N.* quam) liberaſti de errore gentilium, & conversatione turpissima: dignare exaudire eum qui (eam quæ) tibi cervices suas humiliat ad lavacri fontem, ut, renatus (renata) ex aqua & Spiritu sancto, exspoliatus (exspoliata) veterem hominem, induat novum, qui secundum te creatus est; accipiat vestem incorruptam & immaculatam, tibi que Deo nostro servire mereatur. Per Christum Dominum nostrum. *Resp.* Amen.

*Si plures sint, precedens Oratio dicatur in numero plurali. Deinde Sacerdos dicat super masculinum tantum:*

Ora Electe, flecte genua, & dic, Pater noster. *Si nesciat Latinum:* Außerswehltet / knie nider / vnd bette das Heilige Vatter vnser. *Et Electus genu flexo orat, & dicit, Pater noster. Et, cum oraverit, & dixerit, Pater noster, usque ad, Sed libera nos à malo, inclusive;* Sacerdos subjungit: *Leva, comple orationem tuam, & dic, Amen. Stehe auff / vollende dein Gebett / vnd sprich: Amen. Et ille respondet, Amen. Et Sacerdos dicit Patrino: Signa eum. Bezeichnet ihne mit dem Heiligen Creutz. Deinde Electo: Accede. Komme herby. Et Patrinus pollice signat eum in fronte, dicens: In nomine Patris, & Filii, & Spiritus sancti. In Namen Gottes des Vatters / vnd des Sohns / vnd des Heiligen Geistes. Tum quoque Sacerdos facit Crucem in fronte ejus, ita dicendo: In nomine Patris, & Filii, & Spiritus sancti.*

*Et imponit manum super eum, & dicit:*

Oremus.

**D**Eus Abraham, Deus Isaac, Deus Iacob;  
Deus, qui Moyfi famulo tuo in monte Sinai apparuisti, & filios Israël de terra Ægypti eduxisti, deputans eis Angelum pietatis tuæ, qui custodiret eos die ac nocte: te

quæ-

quæsumus, Domine, ut mittere digneris sanctum Angelum tuum de cælis, qui similiter custodiat & hunc famulum tuum N. (hanc famulam tuam N.) & perducatur eum (eam) ad gratiam Baptismi tui. Per Christum Dominum nostrum. *Resp.* Amen.

## E X O R C I S M V S.

**E**Rgo maledicte diabole, recognosce sententiam tuam, & da honorem Deo vivo & vero, da honorem Iesu Christo Filio ejus, & Spiritui sancto: & recede ab hoc famulo Dei N. (hac famula Dei N.) quia istum (istam) sibi Deus & Dominus noster Iesus Christus, ad suam sanctam gratiam fontemque Baptismatis, vocare dignatus est: & hoc signum sanctæ Crucis ✝, quod nos fronti ejus damus, tu, maledicte diabole, nunquam audeas violare. Per eundem Christum Dominum nostrum, qui venturus est judicare vivos & mortuos, & sæculum per ignem. *Resp.* Amen.

*Sed, si plures sint Catechumeni, hic, & in sequentibus, Sacerdos dicat in numero plurali: Orate Electi, flectite genua, &c. ut supra, usque ad finem precedentis Exorcismi, qui incipit: Ergo maledicte diabole.*

*Item super unum secundo dicat: Ora Electe, flecte genua, & dic, Pater noster & reliqua ut*



Pag. 44.

*supra, usque ad Orationem, Deus Abraham, exclusive.*

*Deinde imponit manum super eum, ac dicit:*

Oremus.

**D**Eus, immortale præsidium omnium postulantium, liberatio supplicum, pax rogantium, vita credentium, resurrectio mortuorum; te invoco super hunc famulum tuum *N.* qui (hanc famulam tuam *N.* quæ) Baptismi tui donum petens, æternam consequi gratiam spirituali regeneratione desiderat: accipe eum (eam) Domine; & quia dignatus es dicere, Petite & accipietis, quærite & invenietis, pulsate & aperietur vobis; petenti præmium porrige, & januam pande pulsanti, ut, æternam cælestis lavacri benedictionem consecutus, (consecuta,) promissa tui muneris regna percipiat. Qui cum Patre, & Spiritu sancto, vivis & regnas Deus in sæcula sæculorum. *Resp. Amen.*

E X O R C I S M V S.

**A**Vdi, maledicte Satana, adjuratus per nomen æterni Dei & Salvatoris nostri Iesu Christi, Filii ejus; cum tuâ victus invidiâ tremens gemenisque discede; nihil tibi sit commune cum servo (serva) Dei *N.* jam cælestia cogitante, renunciaturo (renunciatura) tibi, &

sæculo

fæculo tuo, & beatæ immortalitati victuro. (victura.) Da igitur honorem adveniēti Spiritui sancto, qui, ex summa cæli arce descendens, proturbatis fraudibus tuis, divino fonte purgatum pectus, sanctificatū Deo templum & habitaculum perficiat, ut ab omnibus penitus noxiis præteritorum criminum liberatus servus Dei, (liberata famula Dei,) gratias perenni Deo referat semper, & benedicat nomen sanctum ejus in fæcula fæculorū. *Resp.* Amen.

*Item, super unum masculum, tertio dicat, ut supra:* Pag. 44.  
Ora Electe, flecte genua, & dic, Pater noster, &c. usque ad Orationem, Deus Abraham, exclusive. Deinde ponit manum super eum, dicens:

## E X O R C I S M V S.

**E**Xorcizo te, immunde spiritus, in nomine Pa<sup>+</sup>tris, & Fi<sup>+</sup>lii, & Spiritus <sup>+</sup>sancti, ut ex eas & recedas ab hoc famulo Dei: ipse enim tibi imperat, maledicte diabole atque damnate, qui pedibus suis super mare ambulavit, & Petro mergenti dexteram porrexit.

## E X O R C I S M V S.

Ergo, maledicte diabole, &c. *Et repetit totum,* Pag. 45.  
*ut supra habetur. Super feminam vero Sacerdos dicit:*  
Ora Electa, flecte genua, & dic, Pater noster, &c. *ut supra, usque ad Orationem, Deus Abraham,* Pag. 44.  
*exclusive. Deinde imponit manum super eam Et dicit:*

Oremus.

## Oremus.

**D**Eus cæli, Deus terræ, Deus Angelorum, Deus Archangelorum, Deus Patriarcharum, Deus Prophetarum, Deus Apostolorum, Deus Martyrum, Deus Confessorum, Deus Virginum, Deus omnium bene viventium, Deus, cui omnis lingua confitetur, & omne genu flectitur, cælestium, terrestrium, & infernorum: te invoco, Domine, super hanc famulam tuam *N.* ut eam custodire, & perducere digneris ad gratiam Baptismi tui. Per Christum Dominum nostrum. *Resp.* Amen.

*Deinde dicatur Exorcismus: Ergo, maledicte diabole, recognosce sententiam tuam, &c. ut supra.*

Pag. 45.

*Si plures fuerint femina Catechumena, hic & in sequentibus Sacerdos dicat in numero plurali: Orate Electæ, flectite genua, & dicite, Pater noster. & reliqua, ut supra; usque ad Orationem, Deus Abraham, exclusive.*

Pag. 44.

*Deinde imponit manum super capita singularum, & postea in eodem numero plurali dicit Orationem, Deus cæli, Deus terræ, &c. & Exorcismum, Ergo maledicte diabole, &c. ut supra.*

Pag. 45.

*Interim super unam tantum, secundo & tertio repetit: Ora Electa, flecte genua, & dic, Pater noster. & reliqua ut supra; usque ad finem Orationis Deus Abraham.*

Pag. 44.

Qua

*Qua finitâ, imponit manum super caput ejus, & post tertiam signationem dicit:*

## E X O R C I S M U S.

**E**Xorcizo te, immunde spiritus, per Patrem ✠, & Filium ✠, & Spiritum ✠ sanctum, ut exeas, & recedas ab hac famula Dei N. Ipse enim tibi imperat, maledicte, damna te, qui cæco nato oculos aperuit, & quatri-duanum Lazarum de monumento suscitavit. Ergo maledicte diabole, &c. totum, ut supra. Pag. 45.

*Super utrumque, sive masculum sive feminam, imponit manum super caput ejus, & dicit:*

## Oremus.

**A**Ternam ac justissimam pietatem tuam deprecor, Domine sancte, Pater omnipotens, æterne Deus, autor luminis & veritatis, super hunc famulum tuum N. (hanc famulam tuam N.) ut digneris eum (eam) illuminare lumine intelligentiæ tuæ; munda eum (eam) & sanctifica: da ei scientiam veram, ut dignus (digna) efficiatur accedere ad gratiam Baptismi tui, teneat firmam spem, consilium rectum, doctrinam sanctam, ut aptus (apta) fit ad percipiendam gratiam tuam. Per Christum Dominum nostrum. Resp. Amen.

*Si plures fuerint Electi, sive mares sive femina, præcedentes Orationes & Exorcismi dicantur in*

numero plurali, & in genere proprio, ut superius dictum est.

His peractis, Sacerdos, sinistra manu apprehendens dexteram Electi prope brachium, vel ei porrigens extremam partem stolæ, introducit eum in Ecclesiam, dicens:

**N**. Ingredere in sanctam Ecclesiam Dei, ut accipias benedictionem cælestem à Domino IESU Christo, & habeas partem cum illo & sanctis eius. Resp. Amen.

Si plures fuerint, dicat in numero plurali: Ingreddimini in sanctam Ecclesiam Dei, &c. Et introducat eos, ut supra.

Et ingressus Electus, procumbit seu prosternit se in pavimento, & adorat.

Deinde surgit, & Sacerdos imponit manum super caput ejus, & Electus cum eo recitat Symbolum Apostolorum & Orationem Dominicam.

Ita etiam, si plures fuerint, omnes surgunt, & simul recitant:

Credo in Deum, &c. Et, pro ignorantia linguæ Latinæ, Germanice, ut supra. Pater noster, &c.

Tunc rursus Sacerdos imponat manum super caput Electi, & dicat:

**E X O R C I S M U S.**

**N**Ec te latet, Satana, imminere tibi pœnas, imminere tibi tormenta, imminere tibi

diem

diem iudicii, diem supplicii sempiterni, diem qui venturus est velut clibanus ardens, in quo tibi atque universis angelis tuis præparatus sempiternus erit interitus. Proinde, dammate atque damnade, da honorem Deo vivo & vero, da honorem Iesu Christo, Filio ejus, da honorem Spiritui sancto Paraclito, in cuius nomine atque virtute præcipio tibi, quicumque es, spiritus immunde, ut exeas & recedas ab hoc famulo Dei N. (hac famula Dei N.) quem (quam) hodie idem Deus & Dñs noster Iesus Christus ad suam sanctam gratiam & benedictionem, fontemque baptismatis, dono vocare dignatus est, ut fiat ejus templum per aquam regenerationis in remissionem omnium peccatorum. In nomine ejusdem Domini nostri Iesu Christi, qui venturus est judicare vivos & mortuos, & sæculum per ignem. *Resp. Amen.*

*Similiter, si plures fuerint, imponit manum super capita singulorum, & dicit eundem Exorcismum in numero multitudinis, & genere suo.*

*Postea Sacerdos pollice accipit de saliva oris sui, & tangit aures & nares Electi; tangendo vero aurem dextram & sinistram, dicat:*

*Ephpheta, quod est, Adaperire. Deinde, tangendo nares, dicat: In odorem suavitatis. & subdit:*

Tu autem effugare, diabole; appropinquabit enim iudicium Dei. Deinde interroget Electum:

Qui vocaris? Wie heiffest du? Et ille respondet: N.

Interrog. N. Abrenuntias Satanæ? N. Widersagst du dem Teufel? Resp. Abrenuntio. Ich widersag.

Interrog. Et omnibus operibus ejus? Und allen seinen Wercken? Resp. Abrenuntio. Ich widersag.

Interrog. Et omnibus pompis ejus? Und aller seiner Hoffart? Resp. Abrenuntio. Ich widersag.

Tunc Sacerdos intingit pollicem dextrae manus in Oleo sancto Catechumenorum, & inungit Electum, primum in pectore, deinde inter scapulas, in modum Crucis, dicens: Ego te linio ✠ Oleo salutis in Christo ✠ Iesu Domino nostro, in vitam æternam. Resp. Amen. Tum: Pax tibi. Resp. Et cum spiritu tuo. Mox bombacio, vel re simili, tergit pollicem, & loca inuncta; & subjungit, dicens: Exi, immunde spiritus, & da honorem Deo vivo & vero. Fuge, immunde spiritus, & da locum Iesu Christo, Filio ejus. Recede, immunde spiritus, & da locum Spiritui sancto Paraclito.

Quando plures sunt Electi, idem fit circa singulos eorum. Et ducitur Electus ad Baptisterium: ubi si ob aliquam causam non habeatur sive preparata non fuerit aqua baptismalis, fiat benedictio fontis, ut infra ponitur: & cum fuerit prope fontem, Sacerdos, deposita violacea & assumpta albi coloris stola, interrogat:

Qui

Qui vocaris? Wie heiffest du? *Respondet: N.*

*Interrog. N. Credis in Deum Patrem omnipotentem, creatorem cæli & terræ?*

*N. Glaubst du in Gott Vatter Allmächtigen/Schöpfer Himmels vnd der Erden? Resp. Credo. Ich glaub.*

*Interrog. Credis & in Iesum Christum, Filium ejus unicum, Dominum nostrum, natum, & passum?*

*N. Glaubst du auch in Iesum Christum / seinen einzigen Sohn / vnsern Herrn / der geboren ist vnd gelitten hat? Resp. Credo. Ich glaub.*

*Interrogat: Credis & in Spiritum sanctum, sanctam Ecclesiam Catholicam, sanctorum communionem, remissionem peccatorum, carnis resurrectionem, & vitam æternam?*

*N. Glaubst du auch in den Heiligen Geist / Ein Heilige allgemeine Christliche Catholische Kirchen/ Gemeinschaft der Heiligen/ Ablass der Sünden/ Auferstehung des Fleisches / Vnd ein ewiges Leben? Resp. Credo. Ich glaub.*

*Iterum interrogat, dicens: N. Quid petis? N. Was begerst du? Resp. Baptismum. Den H. Tauff.*

*Interrogat: N. Vis baptizari? N. Wilst du getaufft werden? Resp. Volo. Ich will.*

*Tunc Patrino, vel Matrino, vel utroque (si ambo admittuntur,) admota manu, tenente seu tangente Electum, vel Electam, aperto capite & laxatis à collo vestibis inclinatum; Sacerdos vasculo seu urceolo hau-*



rit aquam Baptismalem de Fonte, & cum ea, sub trina supra caput in modum Crucis infusione, baptizet Electum, seu Electam, in nomine SS. Trinitatis, sic dicens:

N. Ego te baptizo in nomine Patris ✠, fundat primo; & Filii ✠, fundat secundo; & Spiritus ✠ sancti, fundat tertio. Resp. Amen.

Si aqua, qua ex capite Baptizati defluit, non dilabitur in Sacrarium Baptisterii, recipiatur in subjecta aliqua pelvi, & in illud postmodum projiciatur. Cum plures sunt Electi, sigillatim singuli interrogantur, & baptizantur, ut supra: si sunt mares & femina, primum mares, deinde femina. Verum, si probabiliter dubitetur, an Electus fuerit aliàs baptizatus, dicat Sacerdos:

Si non es baptizatus, (baptizata,) ego te baptizo in nomine Patris ✠, & Filii ✠, & Spiritus ✠ sancti.

Deinde Sacerdos intingat pollicem dextrum in sacrum Chrisma, & perungat verticem Electi in modum Crucis, dicens:

**D**Eus omnipotens, Pater Domini nostri Iesu Christi, qui te regeneravit ex aqua & Spiritu sancto, quique dedit tibi remissionem omnium peccatorum, ipse te liniat Chrismate salutis ✠ in eodem Christo Iesu Domino nostro, in vitam æternam. Resp. A-

men.

men. *Vers.* Pax tecum. *Resp.* Et cum spiritu tuo.

*Tunc bombacio, vel re simili, pollicem tergit; & imponit capiti Electi chrismale, seu candidum linteolum, & dat illi vestem candidam, dicens:*

Accipe vestem candidam, quam immaculatam perferas ante tribunal Domini nostri Iesu Christi, ut habeas vitam æternam. *Resp.* Amen.

*Et Electus deponit priores vestes, & induitur novis albi coloris, vel saltem exteriori candida, quam à Sacerdote accepit. Postea dat ei Sacerdos cereum seu candelam accensam in manu dextrâ, dicens:*

Accipe lampadem ardentem, & irreprehensibilis custodi Baptismum tuum, serua Dei mandata, ut, cum Dominus venerit ad nuptias, possis occurrere ei in aula cælesti, in vitam æternam. *Resp.* Amen.

*Ipsè vero Neophytus eundem cereum accensum manibus teneat usque in finem, præterquam dum Confirmatur.*

*Postea dicat: N. Vade in pace; & Dominus sit tecum. Resp.* Amen.

*Si adsit Episcopus, qui id legitime præstare possit, ab eo Neophyti Sacramento Confirmationis initiantur: deinde, si hora congruens fuerit, celebratur Missa; cui Neophyti intersunt, & sanctissimam Eucharistiam devote suscipiunt.*

Ordo